



SIARAN AKHBAR

KEMENTERIAN LUAR NEGERI, MALAYSIA

UNTUK SIARAN SERTA-MERTA

PERKEMBANGAN TERKINI PASCA TAUFAN DANIEL YANG MELANDA LIBYA

Kementerian Luar Negeri Malaysia sedang memantau perkembangan pasca Taufan Daniel yang melanda wilayah Timur Libya pada hari Ahad lepas. Kejadian ini telah menyebabkan dua (2) empangan di bandar Derna pecah dan mengakibatkan banjir besar yang telah mengorbankan lebih daripada 8,000 nyawa manakala 10,000 lain masih hilang. Angka korban banjir ini dijangka akan terus meningkat mengambil kira usaha-usaha mencari dan menyelamatkan masih sedang giat dijalankan.

Malaysia menzahirkan rasa simpati yang mendalam dan mengucapkan takziah kepada semua mangsa dan keluarga yang terjejas oleh Taufan Daniel tersebut. Setakat 14 September 2023, tiada rakyat Malaysia dilaporkan terjejas akibat banjir yang melanda wilayah timur Libya ini. Dua (2) rakyat Malaysia yang berada di Marsa El Brega telah dapat dihubungi dan disahkan selamat.

Susulan penutupan sementara Kedutaan Besar Malaysia di Libya sejak 2014, rakyat Malaysia di Libya yang memerlukan khidmat nasihat yang berkaitan boleh menghubungi Kedutaan Besar Malaysia yang terdekat seperti butiran di bawah:

KEDUTAAN BESAR MALAYSIA DI KAHERAH

Dewan Malaysia Abbasiyah Kaherah (DMAK)

No. 26, Sabeel Al Khazhindar Street

Abbasiyah, Cairo

Republik Arab Mesir

No. Pegawai Bertugas: (+2) 012 0027 6388

Tel: +202 4858677 & +202 4829449

E-mel: mwcairo@kln.gov.my

PUTRAJAYA

14 September 2023



WISMA PUTRA

No. 1, Jalan Wisma Putra, Presint 2, 62602 Putrajaya, Malaysia
Tel: +603 80008000 | Fax: +603 8889 2726 | Emel: bkda@kln.gov.my | Portal: www.kln.gov.my